

ODRŽANA VANREDNA SKUPŠTINA EUROGEOGRAPHICSA ZA 2017. GODINU

10.05.2017 13:58



U Leuvenu, Belgija, je od 8. do 9. 5. 2017. godine održana vanredna generalna skupština EuroGeographicsa. Događaju je ovom prilikom prisustvovalo 72 delegata iz 33 organizacije koje dolaze iz 30 različitih evropskih država.

Ovaj vid okupljanja dao je priliku članovima da dobiju uvid u finansijske račune asocijacije, da svojim glasovima odluče o novim članovima udruženja i da tokom dvodnevnog druženja saznaju više o mreži razmjene znanja koju EuroGeographics razvija. Svi članovi su tokom okupljanja dobili priliku za aktivnu diskusiju i debatu na razne teme, a u fokusu rasprava su prvenstveno bili produkti i usluge koje

EuroGeographics putem svojih članova razvija i nudi potencijalnim klijentima, te slučajevi korištenja koji su ovom prilikom i prezentirani od korisnika produkta i usluga.

Sve članove je obradovala informacija da EurogeoGraphics pokreće još jednu mrežu za razmjenu znanja, COPERNICUS KEN, te su odabrani članovi koji će predsjedavati ovom grupom.

Odlukom putem glasanja, i to jednoglasno, u udruženje EuroGeographics primljene su dvije nove organizacije: Ured za registraciju nekretnina Škotske i Registar nekretnina Malte. Također, jednoglasno su usvojeni konačni finansijski računi asocijacije za 2016. godinu te će biti registrirani pri nadležnom trgovačkom sudu u Belgiji.

Vanrednoj skupštini EuroGeographicsa u ime Federalne uprave za geodetske i imovinsko-pravne poslove, koja je punopravni član udruženja, prisustvovao je Denis Tabučić – zaposlenik Sektora za geoinformatiku.

Sljedeća redovna godišnja skupština s učešćem generalnih direktora svih agencija održat će se u oktobru 2017. godine u Beču (Austrija).